

NAGRADNI KONKURS ZA NAJBOLJI NOVINARSKI RAD

Nagrada se dodjeljuje za novinarski doprinos informiranju i promociji značaja uspostave sistema odvojenog prikupljanja i reciklaže ambalažnog otpada u BiH te podizanju svijesti građana o pravilnom odlaganju ambalažnog otpada

Ekopak – prvi ovlašteni operater sistema za upravljanje ambalažom i ambalažnim otpadom u BiH raspisuje konkurs za najbolji novinarski rad na temu „ Uspostava Sistema Zelene tačke u BiH“.

Cilj konkursa je povećati informisanost o procesu uspostave Sistema odvojenog prikupljanja i reciklaže ambalažnog otpada te podizanje svijesti građana o pravilnom odlaganju ambalažnog otpada.

U skladu sa EU direktivom 94/62, nadležna entitetska ministarstva u Bosni i Hercegovini su donijela podzakonske akte - Pravilnik o upravljanju ambalažom i ambalažnim otpadom i time je započeo proces uspostave Sistema odvojenog prikupljanja i reciklaže ambalažnog otpada u našoj zemlji.

Pravilnikom je definisan i pojam ovlašteni operater sistema – Ekopak, čija je uloga uspostava transparentnog, efikasnog, održivog i dugoročnog sistema za reciklažu i ponovno iskorištenje ambalažnog otpada.

Konkurs je otvoren do 20. marta 2015. godine, a nagrada za najbolji novinarski rad je studijsko putovanje u evropsku zemlju članicu PRO EUROPE-a, u kojoj uspješno funkcioniše sistem odvojenog prikupljanja i reciklaže ambalažnog otpada.

Žiri će razmatrati prijave na osnovu doprinosa informiranju i podizanju svijesti javnosti o značaju uspostave sistema odvojenog prikupljanja i reciklaže ambalažnog otpada, ali neće zanemariti ni opće novinarske kriterije, kao što su kreativnost, originalnost, etičnost, kao i doprinos pozitivnim promjenama u društvu.

Uvjeti konkursa:

Pravo na učešće imaju svi novinari/ke, odnosno medijske kuće koji su objavili radove u medijima na teritoriji Bosne i Hercegovine u periodu **od 20. decembra 2014. do 20. marta 2015. godine**, a u konkurenciju ravnopravno ulaze novinski tekst u štampi, internet/web prilog, TV i radio prilogi, bez žanrovskih ograničenja.

Način prijavljivanja:

Prijavu na konkurs može poslati redakcija ili pojedinac na e-mail adresu: info@ekopak.ba sa naznakom „Za novinarski konkurs“. Prijava treba sadržavati podatke o autoru sa kontakt podacima i novinarski rad (skenirani tekst - za štampu, word dokument sa linkom - za internet, a audio i video priloge slati putem servisa za prijenos velikih fajlova WeTransfer, Sendspace i dr) sa naznakom datuma objave.

Žiri će se sastojati od predstavnika: nadležnih institucija, ovlaštenog operatera Ekopaka, novinarskog udruženja.